



**KOLEJ YAYASAN PELAJARAN JOHOR
PEPERIKSAAN AKHIR DALAM TALIAN / ONLINE**

**NAMA KURSUS : SISTEM KEWANGAN ISLAM
KOD KURSUS : DPI3213
PEPERIKSAAN : NOVEMBER 2020
MASA : 6 JAM**

ARAHAN KEPADA CALON

1. Kertas soalan ini mengandungi **SATU (1)** bahagian. BAHAGIAN A (100 Markah)
2. Sila rujuk pada arahan terperinci di dalam kertas soalan ini.
3. Pelajar dibenarkan merujuk kepada sumber seperti nota kuliah, buku, internet atau mana-mana sumber yang berkaitan.
4. Jawab SEMUA soalan di dalam kertas jawapan iaitu kertas bersaiz A4 (atau lain-lain kertas dengan persetujuan pensyarah berkaitan)
5. Tulis butiran anda sepertimana berikut di penjuru atas kiri bagi setiap kertas jawapan:
 - i. Nama penuh pelajar
 - ii. No. Kad Pengenalan
 - iii. Seksyen Kelas
 - iv. Kod Kursus
 - v. Nama Kursus
 - vi. Nama Pensyarah
6. Setiap helai kertas jawapan mesti ditulis nombor muka surat di penjuru bawah kanan.
7. Jawapan hendaklah ditulis tangan, kemas dan jelas.

JANGAN BUKA KERTAS SOALAN INI SEHINGGA DIBERITAHU

KERTAS SOALAN INI MENGANDUNGI 4 HALAMAN BERCETAK TERMASUK MUKA HADAPAN

BAHAGIAN A

Bahagian ini mengandungi **LIMA(5)** soalan.

Jawab **semua** soalan. Tulis jawapan anda pada Kertas Jawapan.

SOALAN 1

- a. 'Harmonisasi undang-undang' adalah salah satu pendekatan yang dipilih kerajaan ketika melaksanakan sistem kewangan Islam di Malaysia. Bincangkan **empat (4)** kelebihan strategi ini dalam mencapai matlamat Malaysia sebagai hub kewangan Islam di dunia.

(10 markah)

- b. Keperluan untuk mewujudkan pasaran wang Islam adalah signifikan untuk memastikan keberkesanan operasi keseluruhan sistem kewangan Islam di Malaysia. Jelaskan **empat (4)** peranan pasaran ini.

(10 markah)

SOALAN 2

- a. Dalam sistem kewangan pada zaman awal pemerintahan Islam, kerajaan kebiasaannya melaksanakan 'belanjawan seimbang' atau 'belanjawan lebihan' berbanding belanjawan defisit. Mengapakah ini berlaku?

(5 markah)

- b. 'Institusi zakat adalah salah satu pengantara kewangan yang mempunyai peranan penting dalam sistem kewangan sesebuah negara terutama dalam aspek pengagihan kekayaan dalam kalangan rakyat'. Bincangkan **lima (5)** permasalahan yang dihadapi oleh institusi zakat untuk mencapai matlamat meningkatkan sosio ekonomi rakyat di Malaysia.

(15 markah)

SOALAN 3

- a. Anda adalah agen takaful dan telah diundang untuk memberi penerangan kepada semua staf Kolej Yayasan Pelajaran Johor akan kepentingan membuat persediaan terhadap kemungkinan mengalami musibah. Sarankan **lima (5)** kepentingan menyertai takaful kepada audien anda.

(10 markah)

- b. Jelaskan **lima (5)** cara aktiviti retakaful membantu kelangsungan operasi pengendali takaful dalam sistem kewangan sesebuah negara.

(10 markah)

SOALAN 4

- a. Membangunkan Pasaran Modal Islam adalah satu agenda besar bagi negara kita. Bincangkan **tiga (3)** inisiatif yang telah dijalankan oleh Suruhanjaya Sekuriti (SC) untuk membangunkan pasaran modal Islam di Malaysia.

(10 markah)

- b. **Dua (2)** instrumen kewangan yang semakin dikenali di pasaran kewangan Malaysia adalah unit amanah hartanah (REITS) dan waran. Jelaskan perbezaan di antara kedua-dua instrumen ini dari aspek takrifan, pulangan yang diperolehi dan cara dana digunakan oleh syarikat pengurusan.

(10 markah)

SOALAN 5

- a. Anda mempunyai lebih tunai di tangan dan bercadang untuk melabur dalam sukuk, satu alternatif pelaburan yang ada di pasaran. Berdasarkan ciri-ciri sukuk yang telah anda pelajari, huraikan **lima (5)** kelebihan melabur dalam sukuk berbanding bon.

(10 markah)

- b. Bincangkan **lima (5)** kesan jika tiada rangka kerja pengawalseliaan dalam sistem kewangan di Malaysia.

(10 markah)

[100 MARKAH]

KERTAS SOALAN TAMAT

